

جَزَائِرِ حَاكِمَتِ

جمعه ایرتسی

نومرو	جمادی الاول	سنه	ایلول	سنه	صحیفه
۹۹۸	۲۲	۱۳۱۶	۲۶	۱۳۱۴	۱۴۲۸۵

(اشبه غزته بهر هفته جمعه ایرتسی کوندری جبقار. منلکی در سعادت ایچونه مجیدیه یکریمی غروسه)
 (مساییده التمه غروسدر. طره لر ایچونه اوده بسه غروسه یوسه اهرتی ختم اولنور. بهر)
 (نفسه سی یه مجیدیه یکریمی غروسه اولور اوزره یوزیاره یه هریده صانیلور. درج اوله جوق اعداناک)
 (هربرنده بر مجیدیه اضر اولنور. منلکه مشتری اولور استیاندلر عدلیه نظارتی دأره منده طامه جرمیده)
 (محاکم اداره منه مراجعت ایللملیر.)

قسمت رسمی

توجیهات

حضرتلرینه تفویض بیورلمش و مشار الیه مادن
 جلال بک افندی حضرتلرینک اولجه تحلیفی
 اجرا اولندیغی کبی احد حکمت بک افندی
 حضرتلرینک دخی تحلیفی در دست اجرا
 بولمیشدر.

محکمه تمیز جزا دأره سی ریاستی محکمه
 استیناف رئیس اولی عطوفتلو جلال بک افندی
 حضرتلرینه

محکمه استیناف ریاست اولاسی محکمه تمیز
 اعضاسندن عطوفتلو احد حکمت بک افندی

قسم غیر رسمی

اواخری قصبه سنک حاجی دور غوت محله سی
ساکنه لرندن سلی خاتون ایله قصبه مذکورہ نک
حاجی قاسم محله سنده مقیم حاجی ارسلان اغا
پننده متحدث دعوائه دائر اواخری بدایت
محکمہ سندن ۱۸ اغستوس سنہ ۳۰۸ تاریخی
ویکرمی اوچ عددی ایله ویریلان اعلام مزبورہ
سلی خاتون طرفندن تمیز ایدلش و طرفین
باورقہ اخضاریہ جلب و دعوت ایدلیکی حالہ
کلامش اولملریلہ یالکز اعتراض لایحہ سیلہ بالمطالعہ
تدقیقات تمیزیه اجراسنہ ایتدار اولندی

اعلام مذکورہ خلاصہ مآلی مزبور سلی
خاتون ایله مرقوم ارسلان اغا پننده متحدث
معلوم الحدود نصف خانہ و باغچہ دعواسنہ دائر
اواخری بدایت محکمہ سندن صادر اولان اعلامک
عند الاستیناف دعوائی واقعہ ده ذی الیدلکک
بالینہ اثبات ایتدیرلما سندن ناشی فسخیلہ محکمہ
مذکورہ اعاده اولغسی اوزرینہ بدایت بتکرار
جریان ایدن محاکمہ ذی الیدلکک بالینہ اثبات

ایتدیریلہ رک نقصان مذکور اکال و تصحیح
ایتدیرلکدن صکرہ دعوائی مذکورہ نک ردیلہ
اعلام سابقک تصدیقہ حکمدن و مستدعیہ نک
اشبو حکم علیهنده لایحہ سنده محرر اعتراضاتک
خلاصہ سی منازع فیہ خانہ ایله باغچہ بی بش بیک
غروش بدل ایله شهود مواجهه سنده کندوسی
صاتون المش وعقد واقع سنده ربط اولغش
وبش التی سنه دنیرو عهده تصرفده اولدیغی
شهود ایله اثباته مقتدر بولغش ایدوکنی انشای
محاکمہ درمیان ایدلیکی حالہ محکمہ جه بوادعاسی
نظر التفاته النیہرق اصول محاکمہ مخالف
صورتده حکم ویرلسی مخالف قانون اولدیغندن
بحثله اعلامک نقضی استدعاسندن عبارت بولمشدرد
ایجابی لدی المذاکرہ اعلام مذکور
مندرجاتندن منقہم اولدیغی اوزرہ حکم اول
ذی الیدلکک بالینہ اثبات ایتدیرلما سندن طولای
فسخ ایدلش اولمسنہ نظراً بدایت تکرار جریان
ایده جک محاکمہ یالکز ذی الیدک ثبوتنه مختصر
اولیوب ذی الیدلکک ثبوتندن صکرہ طرفینک
دعواسنک بتکرار استماع و مجله جلیله حکمجه
اساس تصرف حقنده قننی طرفک پنه سی راجح
ایسه اول طرفدن پنه طلب و استماعیلہ حاصل
اولان نتیجه کوره حکم اعطاسی مقتضی ایکن

اساس مسئلہ حقنده تدقیقات اجرا و پنه اقامہ
واستماع اولغشترین حکم سابقک تأییدی بولنده
قرار ویرلسی اصول محاکمہ مخالف و مغایر
قانون اولدیغنه بناءً اصول محاکمہ حقوقیه
قانوننک ایکوز قرق برنجی ماده سی و وجبجه
اعلام مذکورک نقضیلہ قانون مذکورک ایکوز
قرق دردنچی ماده سی حکمنه توفیقاً کیفیتک
بالرؤیہ اعلامه ربطی ضمنده محکمہ مذکورہ
اعاده سنی وزیرده مفرداتی محرر درتیوز طقوز
یحق غروش مصارف تمیزیه نک ایلروده حقسنر
چیقہ جق طرفه رجوع ایتک اوزرہ اول امرده
مستدعیہ دن استیفا سنہ ۲۲ تموز سنہ ۳۱۱
تاریخنده متفقاً قرار ویرلدی .

اعلام مذکورک خلاصہ مآلی مرقوم دیمتری
ازمیرده پشتمالجیلر باشنده مقیم تاجر جک اوغلی
میخال ذمتده با سند و دفتر الاجنی اولان التیوز
طقسان بش یحق سیم مجیدیه نک تأمین استیفا سی
ضمنده مدیون مرقومک دردی آیدین تیموریولی
قومپانیہ سنک دینار استاسیون مأمورنده وایکیسی
اسپارطه لی خانجی قوزمه نردنده بولنان التی
دنک مالیه طوراسنہ وضع ایدلیکی حجزک تصدیقیله
مبلغ مزبورک مع مصارف محاکمہ و اجرای موقت
مرقوم میخالدن تحصیلنی طلب وادعا وایکی قطعه سند
ابراز و اعطا ایتسی و لاجل المحاکمہ يوم معینده
مرقوم میخالک کلامسی اوزرینہ غیابنده وکیل

ازمیرده بونته ده مقیم آیدین تیمور یولی
قومپانیہ سی دیرکتوری موسیو ادوار پورسہ ایله
مدعی علیه ازمیرده پشتمالجیلر باشنده ساکن
تجار دن پاپاس اوغلی دیمتری پننده متحدث دعوائه دائر
ازمیر تجارت محکمہ سندن ۲۴ تشرین ثانی سنہ

مسخر حضور یله جریان ایدن محاکمه ده مبلغ مذکورک مع فائض ومصارف محاکمه مرقوم میخالدن بالتحصیل مرقوم دیمتری به اعطاسنه ومرقوم خانجی قوزمه نزدنده کی ایکی دنک مالیفطوره حقنه کی حجزک دخی تصدیقه قرار ویرلکدن صکره مذکور قومپانیه دیرکتوری مومی الیه موسیو ادوار پورسه شخص ثالث صفتیه باصره محال دعوا به دخالتله تعیین ایلدیکی وکیلی کیرقور افندی مدعی علیه مذکور دینار استاسیوننه تودیع ایلدیکی درت بالیه مالیفطوره بی برادری اچکه اوغلی نامنه تودیع ایلدیکی قیداً اکلاشلنه مبنی حجز واقعت قومپانیه به قبولی یولنه کیدیله میه جکی کی قومپانیه به تسلیم اولنان بالجمله اموال کیمک نامنه مقید ایسه قومپانیه اکا قارشو مسؤل اوله جغندن اولباده کی حجزک عدم قبولی بیان وادعا ایتمش ایسه ده اجرا قلنان محاکمه وجاهیه نتیجه سنده اموال مذکوره کی قومپانیه به مدعی علیه میخالک تسلیم ایتدیکنه وبرادری نامنه قید ایتدیرمی حجزک عدم قبولی مستلزم کوریه مدیکنه بناء اموال مذکوره حقنه تصدیق اولنان حجز اوزرینه اچکه اوغلنه قارشو قومپانیه مسؤل اولیه جغنی بیانیه اولباده کی ادعایک ردینه قرار ویرلدیکندن ولایحه اعتراضیه مندرجاتی دخی واقع حکم واقع بر ماده

مذکوره به اعاده سنه وزیرده مفرداتی مرقم اوچوز یکریمی التی بحق غروش مصارف تمیزیه نک ایلروده حقسنر چقه جق طرفه رجوع ایتمک اوزره اول امرده مستدعی تمیزدن النسنه ۱۹ مارت سنه ۳۱۲ تاریخده قرار ویرلدی .

ارکوب قصبه سنده مقیم الیا اوغلی لیغور ایله ینه قصبه مذکوره ده ساکن قیو جی آرسن یننده متحد دعوا به دائر ارکوب بدایت محکمه سندن ۲۲ مایس سنه ۳۰۹ تاریخنی واون اوچ عدیله ویریلان اعلام مرقوم آرسن طرفندن تمیز اولنمغله اعلام مذکور یالکر مستدعینک اعتراض لایحه سیله بالمطالعه تدقیقات تمیزیه اجرا سنه ابتدار اولندی

اعلام مذکورک خلاصه مائی مرقوم لیغور ارکوبلی انانیا اوغلی لازاریدن حواله مرقوم آرسن ذمتنده الاجنی اولان غیر از تسلیم بیک اوتوز اوچ غروشک مع فائض ومصارف محاکمه

مرقوم آرسندن تحصیلنی طلب ودعوی وبرقطعه علم وخبر ابراز واعطا ایتمی ومدعی علیه آرسن دخی حواله نک شرائط صحتی جامع بولنمیدنی جهته مبرز علم وخبر مندرجاته حواله بی قبول معناسی ویریله میه جکی مدافعه درمیان ایلمی اوزرینه اجرا قلنان محاکمه وتدقیقات نتیجه سنده مذکور علم وخبرده موضوع امضا کندوسنک اولدیغنی مدعی علیه اقرار ایتدیکنه دائر مدعی طرفندن اقامه اولوب بعد الاستماع عدل مقبول الشهاده اولدقلری لدی التزیکه اکلاشیلان شهودک شهادت واقع لر یله ثابت اولدیغنی کی مرقوم آرسنک علم وخبر مذکوره شاهدیم عباره سیله وضع ایلدیکی امضاسی حین عقد حواله ده کندوسنک موجود اولوب رضاسیله حواله بی قبول ایلمش اولدیغنه دلیل صریح بولدیغنه بناء مجله نک بیک التیوز سکسانجی ماده سی موجب مدعی علیه مدافعه واقعه سنک ردیله مذکور بیک اوتوز اوچ غروشک بر موجب حواله آرسندن مع فائض تحصیلنه حکمدن ومستدعی تمیز مرقوم آرسنک اشبو علیهنده لایحه سنده محرر خلاصه اعتراضاتی عقد حواله نک صحیح وشرایطی موجود اولوب اولدیغنی تدقیقه دعوانک صحتی نظر دفته النیق لازم کلور ایکن بوجهتک نظر اهمیت آلمیه رق یالکر بحیل لازارینک محال له فرصت

اولنان لیغوره ویرمش اولدینی علم و خبر زیرنده کوریلان شهادت امضاسنک حواله بی قبوله دلیل کافی اتخاذ ایدلسی مغایر قانون اولدیغندن بختله اعلام مذکورک نقضی استدعاسندن عبارت بولمشد

ایجابی لدی المذاکره اعلام مذکور مألندن منقهم اولدیغه کوره استماع اولنان شهودک واقع اولان اخبارات وافاداتی عقد حواله نیک انعقادینه دلالت ایتدیکی حالده اخبارات مذکور استناد آحواله نیک انعقادینه و مبلغ مدعا بهک تحصیلنه حکم اولنسی مخالف قانون اولدیغندن اصول محاکمه حقوقیه قانوننک ایکوز اوتوز ایکجی ماده سی موجبجه اعلام مذکورک نقضیه قانون مذکورک ایکوز قرق دردیجی ماده سی حکمنه توفیقاً کیفیتک قانون دائره سنده یکیدن بالرؤیه اعلامه ربطی ضمننده محکمه مرقومه به اعاده سنده وزیرده مفرداتی مرقم درتیوز اون درت بچق غروش مصارف تمیزیه نیک بعده حقسز چقه جق طرفه رجوع ایتک اوزره اول امرده مستدعی تمیز مرقوم آرسندن اخذینه ۷ اغستوس ۳۱۲ تاریخنده متفقاً قرار ویرلدی .

قونیه ده مقیم حلبی خواجه رزق اه ایله قیوجی صوا بیننده محدث دعوایه دائر قونیه استیناف محکمه سندن ۱۸ کانون اول سنه ۳۰۹ تاریخی و اوتوز بر عددیه ویریلان اعلام مرقوم رزق اه طرفندن تمیز اولنمغه طرفینک اعتراض وجواب لایحه لرله بالمطالعه تدقیقات تمیزیه اجرا سانه ابتدار اولندی

اعلام مذکورک خلاصه مالی مرقوم رزق اللهک صودیرهمی ناحیه سنده تابع صولی طاش قریه سنده کائن اولوب طقسان ایکی و طقسان اوچ سنه لرنده قیوجی حلبی میخائلدن تفرغاً متصرف اولدینی معلوم الحدود اون درت دونم باغک درت دونمه قیوجی صوا طرفندن وقوع بولان مداخله نیک منعی حقنده بدایه صادر اولان اعلام علیهنده اقامه اولنان استیناف دعواسنک انشای محاکمه سنده بدایت محکمه سنجه اجرا قلنان کشفک اصول محاکمه حقوقیه قانوننک التمس اوچجی ماده سنده مخالف کورنم سندن طولانی اعلام ابتدائینک فسخیه محل منازع فیه حقنده استینافاً وقوع بولان کشفک یولسزلنی تحت قراره التذقدن صکره اولبابده ترسیم اولنان خریطه حقنده طرفینک ادعا وافاده لرینک

استماعیه جریان ایدن محاکمات و تدقیقات استینافیه نتیجه سنده منازع فیه باغی مرقوم رزق اللهک متوقی میخائلدن تفرغ ایلدیکی حقنده کی ادعاسنی اصولاً اثبات ایده مدیکی کی خصمنک تحلیقی ضمننده تعیین قلنان کونده دخی اجابت ایتدیکنندن وکیل مسخر حضور یله مرقوم صوانک امر تحلیقی اجرا قلنش اولسنه بناء مرقوم رزق اللهک منازع فیه باغه مداخله سنک منعه حکمدن و مستدعی تمیز مرقوم رزق اللهک اشبو حکم علیهنده لایحه سنده محرر خلاصه اعتراضاتی حکم ابتدائینک محکمه استینافیه جه کشفک یولسز لغندن طولانی فسخندن صکره حدودجه حاصل اولان اختلافک حلی ضمننده اصولنه توفیقاً استیناف محکمه سنجه یکیدن کشف اجرا سی طلب واستدعا اولدینی حالده محکمه مذکورجه جه بوجهتک نظر دفته النامسی مغایر قانون اولدیغندن بختله اعلامک نقضی و لایحه جوابیه مندرجاتی دخی اعتراض واقع واهی ایدوکی بیانیه ردی و موافق اصول و قانون اولان اعلام مذکورک تصدیقی استدعاسندن عبارت بولمشد .

ایجابی لدی المذاکره اعلام مذکور مألندن منقهم اولدینی اوزره محکمه استینافیه جه اجرا قلنان کشفک یولسزلنی حسابیه حکم ابتدائینک

فسخنه قرار ویرلش اولسنه و اساس نزاع ایسه درت دونم باغک مقدما رزق اللهک صاتیلان اون درت دونم باغ داخلنده اولوب اولدینی ماده سنده متدائر اوله رق بودخی کشف ایله اکلایشیه جق مواد دن بولنمسنه کوره یکیدن بر کشف ثانی اجرا سیله بونقطه نیک تحقیقاتنه دوام اولنسی اقتضا ایدرکن محکمه مذکورجه جه بو دائره قانونیه ده اجرای معامله اولنماسی مغایر قانون اولدیغندن اصون محاکمه حقوقیه قانوننک ایکوز اوتوز ایکجی ماده سی حکمنه توفیقاً اعلام مذکورک نقضیه قانون مذکورک ایکوز قرق دردیجی ماده سی موجبجه کیفیتک صور مشروحه دائره سنده بالرؤیه اعلامه ربطی ضمننده محکمه مرقومه به اعاده سنده وزیرده مفرداتی مرقم درتیوز اون درت بچق غروش مصارف تمیزیه نیک بعده حقسز چقه جق طرفه رجوع ایتک اوزره اول امرده مستدعی تمیز رزق اللهک اخذینه ۲۵ تموز سنه ۳۱۲ تاریخنده متفقاً قرار ویرلدی

یانیہ تلغراف وپوستہ باش مدیری علی رضا
افندی ایله ماردین تلغراف مدیری عصمت افندی
پینتده متمدن دعویاه دائر دیار بکر استیناف
محکمه سندن ۲۱ شباط سنه ۳۰۹ تاریخی واون
سکر عددی ایله صادر اولان اعلام مومی الیه
علی رضا افندی طرفندن تمیز اولمغله طرفینک
اعتراض وجواب لایحه لرله بالمطالعه تدقیقات تمیزیه
اجرا سنه ابتدار اولندی

اعلام مذکورک خلاصه مآلی مومی الیه
عصمت افندی ایله مومی الیه علی رضا افندی
میان لرنده متکون خانه بدلیه وظیفه وصلاحیت
دعوا سنه دائر ماردین بدایت محکمه سندن صادر
اولان اعلام علیهنده مومی الیه علی رضا افندی
طرفندن استیناف دعواسی اقامه ایدلمش ایسه ده
جریان ایدن محاکمه و تدقیقات نتیجه سنده
مستأنفک استیناف استدعاسی ۵ مایس سنه ۳۰۹
تاریخیه مورخ و دیار بکر استیناف محکمه سی ریاسته
خطاباً محرر اولوب مومی الیه علی رضا افدینک
اولجه بولندینی طرابلس غرب استیناف
محکمه سنجه دیار بکر استیناف محکمه سی ریاسته
ارسال اولمق اوزره ۶ مایس سنه ۳۰۹ تاریخنده
قیدی اجرا اولوب ۱ تشرین اول سنه ۳۰۹

تاریخنده طرابلس غرب استیناف محکمه سی ریاستندن
بالورود ۲ تشرین اول سنه ۳۰۹ تاریخنده
دیار بکر استیناف محکمه سنه قید ایدلمسینه و اعلام
مستأنف به حکم غیابی پی شامل اولوب مستأنفه
۶ شباط سنه ۳۰۸ تاریخنده تبلیغ اولنش
ایدوکنه نظراً اصول محاکمه حقوقیه قانونک
یوز سکسان بر ویوز سکسان ایکنجی ماده لری
موجبجه اعتراض علی الحکم ایچون تعیین اولنان
مدتک انقضاسندن اعتباراً طرابلس غرب دیار بکره
اون بش مرحله دن زیاده بولندینی جهتله
استیناف مدتی طقسان بر کون اعتباریه بالحساب
استیناف مدتی مرور ایتمش اولدیغنه بناء
استدعای مذکورک ردینه حکمدن و مستدعی
تمیزک اشبو اعلام علیهنده لایحه سنده محرر
باشلوجه اعتراضی محکمه مذکوره استیناف
استدعاسنک دیار بکر محکمه سنه قیدی تاریخی معتبر
اوله رق مدت استینافک مرور ایدلیکنه ذهاب اولنش
ایسه ده مدت استیناف ایچون استدعای مذکورک
طرابلس غرب محکمه سنه قیدی تاریخی نظر
اعتباره التمسق مقتضی ایکن بورا سنه دقت اولنماسی
مغایر قانون اولدیغندن بحمله اعلامک نقضی
استدعاسندن و مدعی علیک نتیجه جوابی دخی
اعتراض مذکورک واهی اولدینی میانیه ردی

و اعلام مذکورک تصدیق طلبند عبارت بولمشدیر .
ایجابی مذاکره اولندقدده اعلام مذکور
مندرجاتندن منضم اولدینی اوزره دیار بکر
استیناف محکمه سنجه اعتراض علی الحکم ایچون
اوتوز برکون استیناف دعوی ایچون طقسان بر
کون حسابیه استیناف استدعاسنک مرور مدتدن
صکره ویرلدیکنه ذهاب اولنش ایسه ده معترضک
بولندینی محله نسبتاً مدت اعتراضیه بهرالتی ساعت
بر مرحله اعتباریه ضعی لازم کلان مدت حساب
و ضم اولنماش اولدیغندن اصول محاکمه حقوقیه
قانونک ایکوز قرق برنجی ماده سی موجبجه
اعلام مذکورک نقضه و قانون مزبورک ایکوز
قرق دردنچی ماده سی حکمنه توفیقاً بر منوال
محرر بالحساب نتیجه حاصلیه کوره کیفیتک
اعلامه ربطی ضمتنده محکمه مذکوره اعاده سنه
وزیرده مفرداتی مرقم اوچوز طقسان اوچ
بجق غروش مصارف تمیزیه نک ایلروده حقسنر
چیقه جق طرفه عائد اولمق اوزره اول امرده
مستدعی تمیزدن النمسنه ۱۳ شباط سنه ۳۱۳
تاریخنده متفقاً قرار ویرلدی .

اسپارته لی تحاردن حاجی طودوری افندی
ایله قضیه مذکوره ده ساکن تجاردن فلوس اوغلی
استاوری پینتده متمدن دعویاه دائر اسپارته
بدایت محکمه سندن ۳۰ تشرین ثانی سنه ۳۱۱
تاریخی ویتمش بر عددیه ویریلان اعلام مرقوم
استاوری طرفندن تمیز اولمغله طرفینک اعتراض
وجواب لایحه لرله بالمطالعه تدقیقات تمیزیه اجرا سنه
استدار اولندی

اعلام مذکورک خلاصه مآلی مومی الیه
هاجی طودوری افندی کندوسنک کفالتیه اکر دیر
قضاسنک معلوم الاسامی قریه لرینک اوچوز
یدی سنه سی اعشارینی درعه ده والتزام ایدن
مرقوم استاوری اعشار مرقومه نک اوچده بر
حصه سی شخص ثالث کوکباش اوغلی یورغاکیه
حصر و تخصیص ایدرک نزدنده ابقا ایتمش
اولدیغندن و حصه مذکوره سیله مجیدیه یکر می
غروش حسابیه مع فائض یدی بیک ایکوز
یکرمی طقوز غروش زیان اصابت ایلدیکندن
مبلغ مذکورک حین تأدیه سنه قدراشلیه جک فائضیه
برابر مدعی علیه استاوریدن تحصیلنی دعوی ایتسی

ومدعی علیه استاوری دخی اعشار مرقومه نك
تجارت وزیانه مدعی مرقوم ایله حاجی ممش
اوغلی مصطفی و یورغا کی افندیلر متساویاً شریك
اولوب یورغا کی حصه سی شرکاء مومی الیهمك
قبول واجازت لریله مرقومه ویرلیوب اولیاده النان سند
حساب کورمك اوزره مدعی حاجی طودوری افندی
طرفندن الهرق طنه اوغلی حاجی صوا افندی
معرفتیله شرکای مومی الیهمك غیابنده حساب
کورلمش ایسه ده صورت محاسبه امضا الته
التمدینی جهته اشبو اعشار شرکائی محاسبه لرینك
میزلر معرفتیله یکیدن رؤیتی لازم کله جکئی مدافعه
درمیان ایلسی اوزرینه جریان ایدن محاکمه
وتدقیقات نتیجه سننده مدعی حاجی طودوری
افندیك کفالتیله مدعی علیه مرقوم استاورینك
التزام ایلمش اولدینی اعشارك تقسیطلری
کفالتی حسیله مدعی مومی الیه طرفندن تسلیم
صندق ایلدیکی مدعی علیه مرقومك تحت
اقرارنده بولمیش اولدیغنه بناءً مدعی علیه
مرقومك کوبکاش اوغلی یورغا کی ایچون تفریق
ونزدنده ایقا ایتمش اولدینی حصه یه ۲۰ مایس
سنه ۹۱ تاریخه قدر مع فائض اصابت ایدن
یدی بیک ایکوز یکر می طقوز غروش زیانك
ایجابی مذاکره اولندقدده اعلام مذکور

مآلندن اکلشیلدینی اوزره مومی الیه حاجی
طودوری افندیك اعشار مذکورنك ثلثه
شریک اولدینی تحت اعترافنده بولنان یورغا کی به
مآلیدی بیک بشیوز کسور غروش زیانك
مرقوم یورغا کیدن ارائلسی لازم کلور ایکن مبلغ
مذکورك مرقوم استاورینك یورغا کی به کفالتی ادعا
اولمیدینی حالده مرقوم استاوریدن تحصیلنه حکم
اولمسی مغایر قانون اولدینی کی مستدعی تمیز
شرکای سائر نك دخی حضور یله و میز لر معرفتیله
محاسبه لرینك رؤیتی طلب ایلدیکی و یکر می بیک
غروش زیان وقوعبولوب بولمادینی نتیجه محاسبه ده
تبیین ایده جك احوالندن اولدینی حالده رؤیت
محاسبه ایلدیکنسزین ادعا اولنان زیانك محکمه جه
بالقبول تحت حکمه النسی یولسر و مغایر قانون
اولدیغندن اصول محاکمه حقوقیه قانوننك ایکوز
اوتوز ایکنجی ماده سی حکمنه توفیقاً اعلام
مذکورك نقصنه وقانون مذکورك ایکوز قرق
در دنجی ماده سی موجبجه کیفیتك صور مشروحه
دارمسنده یکیدن بالرؤیه اعلامه ربطی ضمننده
محکمه مرقومه یه اعاده سنه وزیرده مفرداتی مرقم
در تیوز اون سکر بچق غروش مصارف
تمیزی نك بعده حقسنر چقه حق طرفه رجوع

ایتمك اوزره اول امرده مستدعی تمیز استاوریدن
اخذینه ۱۸ تشرین ثانی سنه ۳۱۲ تاریخنده متفقاً
قرار ویرلیدی .

کر ماسقی قصبه سنك لالا شاهین پاشا محله سی
اهالیسندن اولوب موقه بروسه ده ساکن رفیق
بك ایله محله مذکورده مقیمه اسما خانم بنلرنده
متحدث دعوا یه دائر خداوند کار استیفاف
محکمه سنندن ۱۷ کانون اول سنه ۳۱۲ تاریخ
واوتوز عددی ایله ویریلان اعلام مومی الیه
رفیق بك طرفندن تمیز اولمغله طرفینك اعتراض
وجواب لایحه لر یله بالمطالعہ تدقیقات تمیزیه
اجرا سنه ابتدار اولندی

اعلام مذکورك خلاصه مآلی مومی الیه
رفیق بك کندوسنك کر ماسقی داخلنده کائن
متصرف اولدینی اوزغورلی چفتلکنك نصف

حصه سنی ایجار ایدن شریکی اسما خاتون ذمتده اولوباده کی مقاوله موجبیه برسنهک بدل ایجار اوله رق یوز لیرا ایله تیمور باش اوله رق تسلیم ایدیلان التمش کیل شعیر و برچفت طوسون و بررأس ایدیش ایله عمار مأجوری اعاده و تأدیهدن امتناع ایتمکده اولدیغندن بونلرک طرفه تسلیمیه برابر پروتستو و مقاوله نامه موجبیه تاریخ تسلیمیه قدر یومیه برر لیرانک تحصیلی و حکمک موقتاً اجراسنی طلب و دعوی ایتسی و مدعی علیها اسما خانم و کیلی دخی اشبو دعوی استیناف و تمیز ایتماک اوزره طرفینک بالرضا تعیین ایتدکلی حکملر معرفتیه صلماً تسویه ایدرک میر مومی الیهک حصه سنی طوغالچی جهندن ایکی بیک دونم و خانم مومی الیهانک حصه سنی جهات سارهدن کذلک ایکی بیک دونم اراضی تقسیم اولنوب ایجار بمخته کلنجیه تیمور باش اولان شعیر و حیواناتک عیناً رفیق بکه تسلیمیه و بدل ایجار اولق اوزره ایکوزاللی کیل خطه و اوچیوزاللی کیل مصر مومی الیه رفیق بکه و بادیلی قریه سی حدودی داخلنده کی یوزبش دونم اراضینک میر مومی الیهه و قصبه جوارنده اوتوز بش دونم ترالاری اسما خانم اعطاسنه دأر حکملر جانبندن قرار ویرلیدیکی و مدعی مزبوره حصه سنی تقریق اولنان اراضی بی مؤکله سی اسما خانمک زوجی اسماعیل اغایه ایجار ایلدیکی سولسی

اعلامک تقضی استدعاسندن و مدعی علیهانک بوکا فارشو نتیجه جوابی دخی حکملر طرفینک رضاسیله منتخب اولوب اجرا ایتدکلی صلح و تقسیم معاملاتنی طرفینک قبولی تحتنده اولدینی بیانیله اعتراض مذکورک ردی و اعلامک تصدیقی طلبندن عبارتدر

ایجابی لدی المذاکره اعلام مذکور مطالعه سندن مستبان اولدیغنه کوره بدایه اقامه اولنان دعوی یکمیش مدتک بدل ایجاریته متدأر اولدینی حالده انشای محاکمه ده طرفیندن انتخاب اولنان حکملرک و یردکلی راپورطوده دعوی اولنمیان چفتاک تقسیمی مسئله سنک دخی موضوع بحث ایدلسی یولسز اولدینی کی بعدالتقسیم مدعینک حصه سنی مدعی علیهانک زوجی اسماعیل اغایه ایجار ایلدیکنه دأر مستأجر دینلان اسماعیل اغا طرفندن برکونه دعوی سبق ایتدیکی و بوکا دأر حکملرک راپورتنده دخی برکونا حکم و صراحت اولدینی حالده بوبابده حق خصوصتی اولیان اسما خانمک ادعا و مدافعه سی اوزرینه استماع شهود ایله مدعینک کرک بدل ایجار و کرک تخلیه مأجور و اعاده تیمور باش ادعاسنک ردینه بدایه قرار ویرلسی مغایر قانون اولدینی کی استیناف محکمه سنک دخی بدایت محکمه سی

مقرراتنک جمله سی حکملرک و یردیکی راپور احکامی اقتضاسندن اولدیغنه ذهاب ایله قابل استیناف اولدیغنه قرار ویرلسی یولسز و اصول و قانونه مغایر اولدیغندن اصول محاکمه حقوقیه قانوننک ایکوز اوتوز ایکنجی ماده سی موجبیه اعلام مذکورک تقضیه قانون مزبورک ایکوز قرق دردنجی ماده سی حکمنه توفیقاً کیفیتک یکیدن بالرؤیه اعلامه ربطی ضمنتده محکمه مذکوره یه اعاده سنی و یرده مفرداتی مرقم اوچیوز سکسان سکر بحق غروش مضارف تمیزیه نک اینروده حقسز چیقہ حق طرفه رجوع ایتمک اوزره اول امرده مستدعی رفیق بکدن النسنه ۱۹ مایس سنه ۳۱۳ تاریخنده متفقاً قرار ویرلیدی .

اسمان

نقیسه خانمک با اعلام نظامی سمیدجی عمر اغا ذمتده محکوم به مطلوبی اولان مبالغتک تأمین

استیفاسی ایچون مرقومك پدرندن انتقالاً
متصرف اولدینی چیرچیرده حاجی حسن محله سنده
چیرچیر جاده سنده واقع اوج نومرولی و تخمیناً
یوز یکریمی آرشوندن عبارت دروننده سیدجی
کدکی مستقر برقطعه براقه عرصه کدکنک سکر
سهم اعتبارله بر حصه سی بالمزایده لیرا یوز
غروش حسابله درتیوز غروشدده طالبی
عهده سنده تقرر ایتمش و مؤخرأ قرار داده سی
کشیده قلغش اولغله یوزده بش ضم ایله طالب
اولانلرک یوزده اون بی ایچله ریله برابر اوتوز
برکون ظرفنده درسمات اعلامات نظامیه اجرا
دائرة سینه مراجعت ایلملری اعلان اولنور .

۱ ایلول سنه ۳۱۴

یانی ولد واسیل فخرینک سعادتلو قوایان
مهران افندی به اولان دینندن طولای داین
مومی الیه عهده سنده مرهون و فروختی محکوم
اولان بیوک اطهده کائن زمینی شهزاده سلطان
محمدخان وقفه مقاطعه لو بر نومرولی بر باب خانه
وزمینک تلتان حصه شایعه سی تاریخ اعلانن

۸ ایلول سنه ۳۱۴

اعتباراً اون بش کون صکره بالمزایده فروخته
تثبت اوله جینی بک اوغلی بدایت محکمه سی اجرا
مأموریتی جانبدن اعلان اولنور .

۴ ایلول سنه ۳۱۴

مارى قادینک فاطمه زهرا خانم ذمتنده
محکوم به اله جینی اولان معلوم المقدار مبالغتک تأمین
استیفاسی ضمتنده مدیونه مومی الیهانک نشان طاشنده
تشویقیه محله سنده حاجی منصور زقاغنده مکرر
اون التی نومرولی بر باب خانه سی تحت حمزه
النرق لیدی المزایده اون بیک بشیوز غروش
بدل ایله طالبی عهده سنده تقرر ایتمش اولدینندن
تاریخ اعلانن اعتباراً اوتوز برکون ظرفنده
یوزده بش ضمیمه طالب اولنلرک بک اوغلی بدایت
محکمه سی اجرا مأموریتی جانبدن مراجعت ایتملری
اعلان اولنور .

قصاب نیقولینک مقدما یکی کویده مقیم
ایکن شمعدی اقامتکاهی مجهول اولان اه ویردی
زاده نظرت اندون افندی ذمتنده بک اوغلی
بدایت محکمه سی برنجی حقوق دائرة سندن
استیصال ایلدیکی اعلام غیابی موجب محکوم به
اله جینی اولان یدی بیک سکر یوز طقسان اوج
یحقی غروشک تأمین استیفاسی ضمتنده متعجز
مومی الیهک پدری متوفی اندون بکدن منتقل
عقارده اولان حصه سنه وضع ایلدیکی حمیزک
ابقاسنه دائرة ۱ کانون اول سنه ۳۱۳ تاریخ و ۱۶۶
عددلو محکمه دن صدور ایدن اعلام غیابینک
برقطعه صورت مصدقه سی محکمه دیوانخانه سنه
تعلیق ایدلش اولدینندن قانوناً معین اولان مدت
ظرفنده مومی الیه نظرت اندون افندی طرفندن
اعتراض اولغدینی تقدیرده معامله قانونیه نک
اجرا قلنه جینی اعلان اولنور .

۹ ایلول سنه ۳۱۴

نومرولی مغازه ده کراسته جیلک ایدن حاجی ایوب
افدینک مغازه سنده مستخدم بال اوغلی یوردان ایله
کفیللری خطب تیارندن قیصریه لی طوپال اوغلی
خرملبوس و قیطان اوغلی یوان ذمتلرنده برقطعه
سند موجب محکوم مع فائض اله جینی اولان قرق
درت عدد عثمانلی التونیه قرق سکر غروش
یکریمی درت پاره نک تحصیل حقنده مرقوموندن
مدیون یوردانک و جاهدنده و قابل اعتراض اولق
اوزره کفیللری خرملبوس و یوانک غیابلرنده
درسمات بدایت محکمه سی ایکنجی حقوق
دائرة سندن صادر اولان ۴ تموز سنه ۳۱۴
تاریخی وایکوز یتش درت عددلی اعلامک
مصدق صورتلری مرقوموندن طوپال اوغلی
خرملبوسک معلوم بر اقامتکاهی و یا محل سکنا سی
بولنامسندن طولای اصول محاکمه حقوقیه
قانوننک یوز قرق طقوزنجی ماده سنک فقره
اخیره سی منطوقجه تبلیغ عد اولنق اوزره
محکمه نک دیوانخانه سنه تعلیق و غزته یه درج و تمیق
ایله اعلان اولنور .

۱۴ ایلول سنه ۳۱۴

حیدر جوارنده بجاقچی علاءالدین محله سنده
حاجی موسی زقاغنده بر نومرولی خانه ده ساکن
رجبرائف افدینک کراسته جیلرده یکریمی بر

قوم مقبوضه مکتب زقاغنده اون بر نومرولو
 خانه ده ساکن حزاروس پاپازیانک چارشوی
 کیرده بودوروم خاننده ساکن ایکن الیوم محل
 اقامتتری مجهول بولسان تجاردن شمشیریان
 ماردیروس ومارقار اغالر ایله قصبارجیان حاجی
 قره بت میانه لرنده تحدث ایدوب اعلامه ربط
 اولسان یکریمی بش لیرادن طولایی تمیز دعوی
 ایدیه جکی بیانیله مرقومان طرفلرندن کندوسی
 امضا ایتدیریلان بر قطعه کفالتنامه اوزرینه
 اورته کویده طاش زردبانه ارمی کلیسای
 زقاغنده یکریمی بش نومرولو خانه ده متصرف
 اولدینی ربع حصه سنه وضع حجز ایتدیرلمش
 وحالبوکه مرقومان اخیراً مذکور دعوایی صلأ
 تسویه ایله قطع منازعه ایتمش اولدقلری حالده
 مذکور خانه ده کی حصه سنه موضوع حجز فک
 ایتدیرلماش اولدیغندن حجز مذکور فکی
 طلبنه دائر درسعادت بدایت محکمه سی برنجی
 حقوق دائره سنه اعطا ایلدیکی برقطعه عرضحال
 اوزرینه برای محاکمه تنظیم و مرقومان شمشیریان
 ماردیروس ومارقار اغالر ایله قصبارجیان حاجی
 قره بتک اقامتگاه ایلمق اوزره اراؤه و تعیین
 قلنان مذکور بودوروم خانه ارسال و تسیر
 ایدیلان ورقه دعوتیه ظهرینه مذکور خانه

او اسملرده تجاردن کسه بولنماش اولدینی
 مذکور خان او طه باشیلنی طرفندن ویریلان
 شرحله بیلدیرلمکدنناشی مرقومانک غائب ایدوکی
 تحقق ایلش ومدعی ایسه مرقومونک غزته لر
 ایله اعلانی صورتیه دعوت ایدلسی طلبنده
 بولوب اصول محاکمه حقوقیه قانونک یکریمی
 التنجی ماده سنه موافق کوریلن بوطلبنه بناء
 مذکور دعوانک اشبو ایلوک اوتوزنجی
 چهارشنبه کونی ساعت بش داده لرنده فصل
 ورؤیت اولنه جغنی مبین تنظیم قلنان ورقه دعوتیه
 علی الاصول محکمه دیوانخانه سنه تعلیق اولنش
 اولدینی کبی بر صورتی دخی شو وجهله اعلان
 ایتدیرلمش اولدیغندن مرقومونک یوم معین
 مذکورده اجابت ایتدیکی ویا طرفندن مصدق
 سندله بروکیل کوندرمدیکی حالده غیاباً فصل
 ورؤیت دعوی اولنه جغنی بیانیله معامله تبلیغیه
 اجرا قلنور .

۱۱ جمادی الاول سنه ۳۱۶

۱۵ ایلول سنه ۳۱۴

مطبوعه عامره ده طبع اولمشدر